

第三〇三册

明倫彙編

官常典

漕使部

藩司部

臬司部

監司部

(卷)

五十四—五十五

五十六—五十七

五十八—五十九

六十—六十一

古今圖書集成

中華書局影印

古今圖書集成

中華書局影印



八年丁內艱時以諸州綱運留滯起復知京城陸路發運司事會河決韓村大發丁夫塞之命蟠調給其餉未幾河塞朝廷方議封禪以蟠爲東封水陸計度轉運使會詔罷其禮儀遷工部郎中充河北水陸轉運使改刑部郎中就充水陸轉運使入判本部事籍田畢遷左諫議大夫淳化初兼同考京朝官差遣二年暴中風眩上遣太醫視之賜以金丹卒年七十三賜錢十萬給其喪事

楊允恭

按宋史本傳允恭漢州綿竹人太宗以緣江多賊命督江南水運因捕寇黨行及臨江軍擢驍卒擊輕舟伺下江賊所止夜發軍城三鼓遇賊百餘拒敵久之悉梟其首又趨通州境上驛海賊賊係衆舟張幕發勁弩短礮允恭兵刃所向多爲幕所縈蔽中允恭左肩流血及袖容包滿壯徐遣善泅者以繩連鐵鉤散擲之壞其幕士卒爭進賊赴水死者大半擒數百人自是江路無剽掠之患以功轉洛苑副使江淮兩浙都大發運實茶鹽捕賊軍賜紫袍金帶錢五十萬先是三路轉運使各領其職或庾庾多積而軍士舟楫不給難以官錢雇丁男挽舟而土人憚其役以是歲上供米不過三百萬允恭盡藉二路舟卒與所運物數令諸州擇牙吏悉集允恭乃辦教授之江浙所運止於淮泗由淮泗輸京師行之一歲上供者六百萬淳化五年轉西京作坊使

樊知古

按宋史本傳知古字仲師其先京兆長安人會祖偁濮州司戶參軍祖知論事吳爲金壇令父潛事李景

任漢陽石埭二縣令因家池州知古嘗舉進士不第遂謀北歸過漁釣采石江上數月乘小舟載絲繩維南岸疾棹抵北岸以度江之廣狹開寶三年詣闕上書言江南可取狀以求進用太祖令送學士院賜試本科及第解褐舒州軍事推官嘗啓於上言老母親屬數十口在江南恐爲李煜所害願迎上治所即詔煜令遣之煜方聞命即厚給齎裝護送至境上七年召拜太子右贊善大夫會王師征江表知古爲鄉導下池州八年以知古領州事先是州民保險爲寇知古擊之連拔二砦擒其魁以獻餘皆潰散方議南征命高品石全振往湖南造黃黑龍船以大艦載巨竹組自荆南而下遣八作使郭守濬算率丁匠營之議者以爲江濤險壯恐不能就乃於石碑口試造之移月至采石三日橋成不差尺寸從知古之請也金陵平擢拜侍御史令乘傳按行江南諸州詢訪利民復命知江東南路轉運事數日改授江南轉運使賜錢一百萬先是江南諸州官市茶十分之八復征其餘分然後給符聽其所往商人苦之知古請蠲其稅仍差增所市之直以便於民江南舊用鐵錢十當銅錢之一物價翔踊民不便知古亦奏罷之先是李煜用兵權宜調餉知古悉奏爲常額豫章洪氏嘗昇州權酷通鐵錢數百萬至是知古挾微時常辱於洪氏責償銅錢以快意太宗即位授庫部員外郎召歸換金紫賜錢百萬命爲京西北路轉運使太平興國六年加虞部郎中就改知鄧州移鳳翔府入爲鹽鐵判官出領荆湖轉運使雍熙初遷比部郎中會河朔用兵分諸郡爲兩路以給清曉遷知古爲東路轉運使遷

鄆部郎中賜錢五十萬知古本名若水字叔清因名見上問之曰卿名出何書對曰唐尚書右丞倪若水亮直臣竊慕之上笑曰可改名知古知古頓首奉詔倪若水實名若水知古學淺妄引以對人皆笑之端拱初遷右諫議大夫河北東西路轉運使賜白金千兩兩路各置轉運副使都轉運使之名自知古始二年詔加河北西路招置置田使奏請修城五百餘萬牛犇三百萬上曰萬里長城豈在於此自古匈奴黃河互爲中國之患朕自即位以來或疆場無事則有修築圩堤之役近者邊烽稍警則黃河安流無害此蓋天意更迭垂戒常令惕勵然而預備不虞古之善教深溝高壘亦王公設險之義也所請過當不亦重困吾民乎乃詔有司量以官物給之會度支使李惟清上言河北軍儲無備請發河南十七軍州轉粟以赴太宗謂農事方殷豈可更興此役惟清固以爲請上遣正言馮拯乘傳與知古計之知古即言河北軍儲可以均濟足俟農隙令民轉輸復命太宗曰不細籌之則民果受弊矣未幾入朝奏事稱自拜給事中俄爲戶部使知古有才力累任轉運使甚得時譽及在戶部頻以職事不治詔書切責名益減素與陳恕親善恕時參知政事太宗言及計司事有乖違者恕具以告後因奏事知古遂自解上問從何得知曰陳恕告臣上怒恕泄禁中語且嫉知古輕佻故兩罷之出知古知梓州未至改西川轉運使知古自以嘗任三司使一旦掌漕運劔外鬱鬱不得志嘗稱足疾未嘗按行郡縣蜀中富饒羅錦綺等物甲天下言事者競商權功利又土狹民稠耕種不足給繇是

衆并者益羅賤販貴以規利淳化中青城縣民王小波聚衆爲亂謂其衆曰吾疾貧富不均今爲汝輩均之附者益衆遂攻陷青城縣掠彭山殺其令齊元振巡檢使張玘與闕於江源縣射小波中其額旋病創死玘亦被殺衆遂推小波妻弟李順爲帥初小波黨與裁百人州縣失於備禦故所在蠶起至萬餘人攻蜀州殺監軍王亮及官吏十餘人陷邛州害知州桑保紳通判王從式及諸僚吏逐都巡檢使郭允能允能率麾下與賊新津江口爲賊所殺同巡檢殷直毛儼徒步以身免賊勢益張衆至數萬人陷永康軍雙流新津溫江郫縣縱火大掠留其黨守之往攻成都燒西郭門不利引去陷漢州彭州旋陷成都時已詔知梓州右諫議大夫張雍代知古爲轉運使雍未至知古與知府郭載及屬官走東川詔復令掌兩川漕運知古具伏擅離所部制置無狀上特宥之以本官出知均州視事旬日憂悸卒年五十二上猶嗟憫賜其子漢公同學究出身知古明俊有吏幹辭辨捷給及在西川不能弭盜而逃雖獲宥終以慚死云

任中正

按宋史本傳中正字慶之曹州濟陰人父載右拾遺中正進士及第爲池州推官歷大理評事通判邵州改大府寺丞通判濮州以翰林學士錢若水薦遷祕書省著作佐郎通判大名府轉運使陳緯徙陝西舉中正自代太宗曰朕自知之召爲祕書丞江南轉運副使中正軀幹頎長帝擇大笏命內臣取緋衣之長者賜之至部歲大稔民出租賦平糶皆益羨發運使王子與欲悉調餉京師中正曰東南歲輸五百餘萬

而江南所出過半今歲有餘或歲少歉則數不登患及吾民矣乃止擢監察御史兩浙轉運使民饑中正不俟詔發官廩賑之按晉州盛梁獄論如法遷殿中侍御史判三司憑由司既而有與梁善者密中之出爲荆湖轉運使

李防

按宋史本傳防字智周大名內黃人舉進士爲莫州軍事推官隨曹彬入契丹授忠武軍節度推官括磁相二州逃戶田增租賦十餘萬因請均定田稅又請縣有破逃五十戶者令佐降下考百戶殿三選二百戶停所居官能招攜者旌賞之改祕書省著作佐郎通判潞州遷祕書丞體量二浙民饑建言逃戶田宜即召人耕種使人不敢輕去嘲諷而官賦常在又請京師置折中倉聽人入粟以江浙荆湖物價之擢開封府推官請與判官間三五日即府司軍巡院察冤獄出爲陝路轉運副使先是沿江水運歲役民丁甚衆頗廢農作防悉以城卒代之會分川陝爲四路徙防梓州路轉運使累遷尚書工部員外郎爲三司戶部判官景德初江南旱詔與張知白分東西路安撫上言泰義嘗增江淮兩浙荆湖榷稅錢民頗煩擾江南以歲饑權罷而淮南荆湖未被德音詔悉罷之仍詔義等毋得復增榷稅之利遂爲江南轉運淮南舊不禁鹽制置司請禁鹽而官自鬻之使兵夫載載江上且多漂失之患防請令商人入錢帛京師或輸蜀糧西北邊而給以鹽則公私皆利後採用之徙知應天府鑿府西障口爲斗門洩汴水於旁田數百畝民甚利之又徙典元府人爲三司鹽鐵判官失舉免官

後起通判河南府徙知宿遷亳三州爲利州路轉運使遷兵部郎中糾察刑獄擢右諫議大夫知永興軍進給事中復知延州更遷潞二州卒防好建明利害所至必有論奏朝廷頗施行之其精力過人防在江南晏殊以童子謁見防命賦詩使還薦之後至宰相

范正辭

按宋史本傳正辭字直道齊州人父勞謙復嘉令正辭治春秋公羊穀梁登第調補安陽主簿開寶中判入等遷國子監丞知戎州改著作佐郎代還治通欠於潞州轉運使稱其能轉左贊善大夫就知潞州太宗征河東諸州郡糧多不及期正辭所部長山縣吏張秀督民輸受錢二千即杖殺之郡中畏服太平興國中改殿中丞通判棣深二州遷國子博士御史中丞劉保勳奏充臺直會有言饒州多滯訟遷正辭知州事至則宿弊皆決遣之胥吏坐淹獄停職者六十三人會詔令料州兵送京師有王典者懷土憚行以刃故傷其足正辭斬之典妻詣登聞鼓上訴太宗召見正辭廷辨其事正辭曰東南諸郡饑饉繁盛人心易動與敢扇搖苟失控馭則臣無待罪之地矣上壯其敢斷特遷膳部員外郎充江南轉運副使賜錢五十萬饒州民甘絳者積財鉅萬爲羣盜所掠州捕繫十四人獄具當死正辭按部至引問之囚皆泣下察其非實命徙他所訊鞫既而民有告羣盜所在者正辭潛召監軍王恩掩捕之恩未至盜遁去正辭即單騎出郭二十里追及之賊控弦持鎗來逼正辭大呼以鞭擊之中賊雙目執之賊自刃不殊餘賊渡江散走追之不獲旁得所棄賊尚有餘息正辭即載歸令

醫傳藥創既愈按其瘰狀伏法而前十四人皆得釋端拱二年代歸真洛苑副使蔡仁擇西京作坊副使尹宗謨同監折中倉先是令商人輸米豆而以茶鹽酬其直謂之折中復有言其弊罷之至是復置焉遷倉部員外郎同知幕府州縣官考課改判刑部歷戶部鹽鐵二判官遷考功員外郎通判定揚杭三州具宗即位遷膳部郎中名判三司勾院復為鹽鐵判官咸平二年出為河東轉運使三年以本官兼侍御史知雜事時李昌齡自忠武行軍起知梓州董儼知壽州王德裔楊斌皆任轉運使後失官宰執已正辭上言昌齡輩貪墨著聞願陛下罷其民政詔追還儼救餘悉代之又言治民之官牧宰為急舉吳奮等五人堪任大郡復請令奮等各舉知縣縣令從之坐鞠任獄貶縣州團練副使會赦復為倉部考功員外郎通判鄆州知淮陽軍復膳部郎中以年老求監兗州商稅大中祥符三年四月卒年七十五子識諱並進士及第

胡則

按宋史本傳則字子正婺州東原人果敢有材氣以進士起補許田縣尉再調惠州錄事參軍時夏用兵轉運使索湘命則部送芻糧為一月計則曰為百日備尚恐不支奈何為一月耶湘懼無以給遣則遂入奏宋宗因問以邊策對稱官顧左右曰州縣豈乏人命記姓名中書後李繼隆討賊久不解湘語則曰微子幾敗我事一日繼隆移文轉運司曰兵且深入糧有繼乎則告湘曰彼師老將歸欲以糧之為辭耳姑以有餘報之已而果為則所料湘為河北轉運

使奏改祕書省著作佐郎簽書員外郎觀察判官事後以太常博士提舉兩浙榷茶就知睦州徙溫州歲餘提舉江南路銀銅場鑄錢監得吏所匿銅數萬斤吏懼且死則曰馬伏波哀重囚而縱之吾豈重貨而輕數人之生乎籍為羨餘不之罪改江淮制置發運使累遷尚書戶部員外郎真宗幸亳還擢三司度支副使初丁謂舉進士客許田則厚遇之謂既貴顯故則驟進用至是謂罷政事出則為京西轉運使還禮部郎中部內民訟言相驚至遣使安撫乃定坐是徙廣西路轉運使有番舶遭風至瓊州且告食之不能去則命貸錢三百萬吏白夷人狡詐又風波不可期則曰彼以急難投我可拒而不與邪已而償所貸如期又按宜州重辟十九人為辦活者九人復為發運使累遷太常少卿乾寧初坐丁謂黨降知信州徙福州以右諫議大夫知杭州入樞吏部流內銓坐失舉復為太常少卿知池州未行復諫議大夫知未與軍徙河北都轉運使以給事中權三司使通京東西陝西鹽法人便之初則在河北殿中侍御史王汾嘗就則假官舟販鹽又以其子為名所買酒場至是張宗誨摘發之按驗得實出則知陳州踰月授工部侍郎集賢院學士劉隨上疏言則奸邪貪濫聞天下比命知池州不肯行今以罪去驟加美職何以風勸在位後徙杭州再遷兵部侍郎致仕卒則無廉名喜交結尚風義丁謂貶崖州賓客隨散獨則問遣人至海上饋問如平日在福州時守陳絳嘗延蜀人龍昌期為衆人講易得錢十萬絳既坐罪遂自成都械昌期至則破械館以賓禮出俸錢為償之昌期者嘗註易

詩書論語孝經陰符經老子其說詭誕穿鑿至詆斥周公初用薦者補國子四門助教文彥博守成都召置府學奏改祕書省校書郎後以殿中丞致仕著書百餘卷嘉祐中詔取其書昌期時年八十餘野服自詣京師賜緋魚絹百疋歐陽修言其異端害道不當推獎奪所賜服罷歸卒

李仕衡

按宋史本傳仕衡字天鈞秦州成紀人後家京兆府進士及第調鄠縣主簿田重進守京兆命仕衡鞠死囚五人活者四人重進即其家謂曰子有陰施此門當高大之徙知彭山縣就加大理評事遷光祿寺丞父益以不法誅仕衡亦坐除名後會赦救還薦其材盡復其官領渭橋輦運通判邠州再遷祕書丞徙知劍州王均反仕衡度州兵不足守即棄城焚芻粟輦金帛東守劍門既而賊陷漢州攻劍州州空無所資即趨劍門仕衡預招賊衆得千餘人待之不疑賊將至與鈴轄裴臻迎擊之斬首數千級乃乘驛入奏擢尚書度支員外郎賜服緋魚已而使者言仕衡嘗棄城降監度州稅召還判三司鹽鐵勾院度支使梁鼎言商人入粟於邊率高其直而售以解鹽商利益博國用日耗請調丁夫轉粟而輦鹽諸州官自鬻之歲可得緡錢三十萬仕衡曰安邊無大於息民今不得已而調斂之又增以轉粟輦鹽之役欲其不困何可得哉不聽遂行鼎議而關中大擾乃罷鼎度支使以仕衡為荆湖北路轉運使徙陝西初歲出內帑緡錢三十萬助陝西軍費仕衡言歲計可自辦遂罷給真宗謁陵寢因幸洛仕衡獻粟五十萬斛又以三十萬

斛餽京西朝廷以爲材名爲度支副使上言關右既弛鹽禁而永興同華耀四州猶率寶鹽年額錢請減十之四詔悉除之累遷司封郎中爲河北轉運使又奏罷內帑所助緡錢石萬建言河北歲給諸軍帛七十萬而民艱於得錢悉預假於里豪出倍償之息以是工機之利愈薄方春民不足請戶給錢至夏輸帛則民獲利而官用足矣詔優其直仍推其法於天下封泰山獻錢帛芻糧各十萬見於行宮遷右諫議大夫祀汾陰又助錢帛三十萬乃命同林特提舉西京陝西轉運事權知永興軍進給事中踰月以樞密院直學士知益州頃之河北關軍儲議者以謂仕衡前

過助封祀費其宗聞之以爲河北都轉運使駕如亳州又貢絲綿繅帛各二十萬後集粟塞下至鉅萬斛或言粟腐不可食朝廷遣使取視之而粟不腐也桃州汚下苦水患仕衡奏徙州西北七十里既而大水沒故城丈餘南郊復進錢帛八十萬先是每有大禮仕衡必以所部供軍物爲貢言者以爲不實仕衡乃條析進六十萬皆上供者二十萬即其羨餘帝不之罪謂王旦曰仕衡應猝有材人欲以此中之然朝廷所須隨大小即辦亦其所長也明年旱蝗發積粟賑民又移五萬斛濟京西還尚書工部侍郎權知天雄軍民有盜瓜傷主者法當死仕衡以歲饑奏貸之盜起淄書間遷刑部侍郎知青州前守捕羣盜妻子真棘園中仕衡至悉縱罷之使去未幾其徒有梟賊首至者入爲三司使帝作寬財利論以賜之乃更陝西入粟法使民得受錢與茶舊市羊及木責吏送京師而羊多道死木至湍險處往往漂失吏至破產不能

償仕衡乃許吏私附羊免其算使得補死者聽民自採木輸官用入粟法償其直還吏部侍郎仁宗即位拜尚書左丞以足疾改同州觀察使知陳州州大水築大隄以障水患徙穎州復知陳州曹利用仕衡壻也利用被罪降仕衡左龍武軍大將軍分司西京歲餘改左衛大將軍卒其後諸子訴其父有勞於國非意左遷詔追復同州觀察使仕衡前後管計事二十年雖才智過人然素貧家貲至累鉅萬建大第長安里中嚴若官府子不緒

曹頴叔

按宋史本傳頴叔字秀之亳州譙人初名熙嘗夢之官府見頴叔名遂更名頴叔進士及第歷威勝軍判官渭州軍事推官御史中丞蔡齊薦爲臺主簿改大理寺丞韓億知亳州辟僉書節度判官事通判儀州韓琦文彥博薦其才徙夔州路轉運判官夔峽尚淫祠人有疾不事醫而事神頴叔悉禁絕之乃教以醫藥提點陝西路刑獄夏人納款詔與戶部副使夏安期轉運使柳灝減戍卒吏員之冗者爲開封府判官時御史宋禧鞠衛士獄於內侍省禧不能辨及獄具內侍使禧自爲牒頴叔言禧爲制使辱命請寘之法元昊死爲夏國祭使除直史館知鳳翔府徙益州路轉運使權度支副使儂智高寇嶺南朝議以閩中久弛兵備擢天章閣待制知福州累遷右司郎中爲陝西都轉運使自慶曆鑄大鐵錢行陝西民盜鑄不已三司上權鐵之議頴叔曰鐵錢輕而貨重不可久行况官自權鐵乎請罷鑄諸郡鐵錢以三鐵錢當銅錢之一從之兩川和買絹給陝西兵而蜀人苦於

煩斂頴叔爲歲出本路緡錢五十萬以易軍衣之條者兩川之民始無擾焉進龍圖閣直學士知永興軍然年老漸昏老事頗壅積人或嘲詰之卒於官

張存

按宋史本傳存字誠之翼州人舉進士爲安肅軍判官天禧中詔銓司以身言書判取士才得二人存預其選改著作佐郎知大名府朝城縣寇準爲守異待之御史中丞王曙屢薦爲殿中侍御史遷侍御史仁宗初親政罷百官轉對存請復之又言前者曹修古輩同忤旨廢黜布衣林獻可因上封事竄惡地恐自今忠直之言與夫理亂安危之機蔽而不達因歷引周昌朱雲辛慶忌辛毗事以開帝意歷京東陝西河北轉運使戶部度支副使西邊動兵以天章閣待制爲陝西都轉運使黃德和之誣劉平也存奏言平與敵接戰自辰至暮殺傷相當因德和引卻以致潰敗方賊勢甚張非平搏戰其勢必不沮延州孤壘非平解圍其城必不守身既陷沒而不幸又爲譏殺所困邊臣自此無復死節矣朝廷采其說始遣文彥博按治由是平得直而德和誅元昊求款附議者猶執攻討之策存建言兵役不息生民疲弊敵既有慢心雖名號未正頗羈縻之還龍圖閣直學士知延州以母老憚行徙澤州還爲待制踰年知成德軍復學士契丹與元昊結婚陰謀相首尾聚兵塞上而求關南存言河北城久不治宜置意乃以爲都運使盡城諸州入知開封府復使河北王則反坐失察降知汀州存壻李敷之弟李敘因醉爲妖言事覺自縊死或言敘不死在貝州父母私屬以存故得免御史案驗無狀

猶奪職知池州又徙柳久之乃復職以吏部侍郎致仕凡十五年積遷禮部尚書存性孝友嘗為蜀郡得奇繪文錦以歸悉布於堂上恐兄弟擇取常曰兄弟手足也妻妾外舍人耳奈何先外人而後手足乎收恤宗屬嫁聘窮嫠不使一人失所家居於莊子孫非正衣冠不見與賓友燕接垂足危坐終日未嘗傾倚棗疆河決勢逼冀城或勸使徙曰吾家衆所望也苟輕舉動使一州吏民何以自安訖不徙卒年八十八諡恭安

王鼎

按宋史王汾傳汾子鼎字鼎臣以進士第累遷太常博士王堯臣領三司舉勾當公事數上書論時政得失時天千忠吏治多弛監司不舉職而范仲淹等方執政擇諸路使者令按舉不法以鼎提點江東刑獄與轉運使楊紘判官王綽號撻發吏至微隱罪無所貸於是所部官吏怨之目為三虎仁宗聞之不說後傳惟幾奉使江東戒以毋效三虎為也仲淹等罷鼎與紘綽皆為人所言時鼎提點兩浙刑獄降知深州王則以貝州反誅卒龐旦以其徒謀以元日殺軍校劫庫兵應之前一日有告者鼎夜出檢遣軍校攝事外邑而陰為之備翌日會僚吏置酒如常叛黨愕不敢動鼎刺得實徐捕首謀十八人送獄獄具候轉運使至審決未至軍中恟恟謀劫囚鼎因謂僚吏曰吾不以累諸君獨命取囚桀驁者數人斬於市衆皆失色一郡帖然轉運使至囚未決者半訊之皆伏誅明年河北大饑人相食鼎經營賑救頗盡力徙建州其俗生子多不舉鼎為條教禁止時盜賊茶鹽者衆一

切杖遣之監司數以為言鼎弗為變徙提點河北刑獄治姦賊益急所劾舉不避貴勢召為開封府判官改鹽鐵判官累遷司封員外郎淮南兩浙荆湖制置發運副使內侍楊未德奏請沿汴置鋪挽漕舟歲可省卒六萬鼎議以為不可未德橫猾執政重違其奏乃命三司判官一員將未德就鼎議發八難未德不能復鼎因疏言陛下幸察用臣不宜過聽小人妄有所改以誤國計於是求德言不用居二年遂以為使前使者多漁市南物因奏計京師持遺權貴鼎一無所市獨悉意精吏事無大小必出於己凡調發綱吏度漕路遠近定先後為成法於是勞逸均吏不能為重輕官舟禁私載舟兵無以自給則盡盜官米為奸有能居販自贍者市人持以法不肯償所通鼎為移州縣督償之舟人有以自給不為奸而所運米未嘗不足也入為三司鹽鐵副使數與包拯爭議不少屈拯素強然無如之何遷刑部郎中天章閣待制河北都轉運使徙使河東卒鼎性廉不欺嘗任其子族人欲增年以圖速仕鼎不可父死分諸子以財鼎悉推與其弟嘗知臨邛縣轉運使選攝新繁新繁多職田斗粟不以自入奉使契丹得千緡散之族人一日盡所至不擾唯市飲食日用物增直以償事繼母孝教育孤姪甚至自奉養儉約當官明敏強直不可撓所薦士多知名有終身不識者然性猜忌其行部至於藥餌皆手自屬鑄至潞州八義館疾作不知人事左右連進藥食悉無題識莫敢進以迄於卒初鼎與弟豫皆有才氣好上書言事仁宗稱之以為豫孟浪鼎所言多可用豫為人平事羈檢以大理寺丞知

魏瓘

伊闕縣有異政棄官浮游江湖間種貨自給以卒按宋史本傳瓘字用之父羽奏補祕書省校書郎監廣積倉知開封府倉曹參軍持法精審明吏事上元起絳山關前張燈與宦者護作宦者挾氣視瓘年少輒誅索侵擾瓘密以聞詔杖宦者遣之瓘門人魏綱上疏詆天書流海島瓘亦坐是停官復監鄧州稅鄧州茶以大理寺丞知衡山縣通判壽州歷知循陔安州提點廣南西路刑獄邕州僚戶緣通負沒婦女為傭者一千餘人悉奏還其家就除轉運使劉錡時計口以稅雖舟居皆不免至是而雷化欽廉高州猶未除瓘為除之減柳州無名役四百人名權度支判官尋以罪降知洪州徙梓州路轉運使還知蔡州潭州為京西轉運使江淮制置發運使自主客郎中遷太常少卿知廣州築州城環五里疏東北門鑿東西澳為水閘以時啓閉焉拜右諫議大夫再任臨江軍判官史沆性險詖嘗為瓘所劾免會廣州封送貢餘榔子煎等餉京師輒邀留之飛奏指以為珍貨詔遣內侍發驗無有沈坐不實廢瓘亦降知鄂州未踰年復為陝西轉運使徙河北以給事中知開封府政事嚴明吏民憚之內東門索命婦車得路遺掖庭物付府驗治獄未上內降釋罪諫官吳奎言法當執奏而瓘不即奏行請以廢法論降知越州儂智高寇廣東西獨廣州城堅守不能下於是論築城功遷工部侍郎集賢院學士復知廣州兼廣東經略安撫使給禁卒五千聽以便宜從事屬秋青已被賊占還糾察在京刑獄議者請開六塔河塞商胡北流宰相主其說命

璫按視還奏以爲不可塞下溪州蠻彭士義叛將發兵討除進龍圖閣直學士知荆南璫以爲五溪之險師行島道諸將貪功生事於國家何所利因條上三策以招徠爲上守禦爲下攻取爲失不報後卒如璫議徙澧州滑州又徙鄧州不行請老以吏部侍郎致仕卒璫所至整辦與人置對未嘗屈吏沆王達以善訟名天下璫既廢沆又嘗奏抵違罪專任機數不稱循吏

張景憲

按宋史本傳景憲字正國河南人以父師德任淮南轉運副使山陽令鄭助賊累巨萬親戚多要人景憲首案治流之嶺外食吏望風引去徙京西東轉運使王達居鄆專持吏短長求請賄謝如所欲景憲上其惡編置宿州熙寧初爲戶部副使韓絳築撫寧羅兀兩城帝命景憲往視始受詔即言城不可守固不待到而後知也未幾撫寧陷至延安又言羅兀邈然孤城繫井無水將何以守臣在道所見師勞民困之狀非一顧罷徒勞之役廢無用之城嚴飭邊將爲守計令邊郡召生羌與之金帛官爵恐黠羌多詐緩急或爲內應宜亟止之陝西轉運司議欲限半歲令民悉納錢於官而易以交子景憲言此法行於蜀耳若施之陝西民將無以爲命其後卒不可行加集賢殿修撰爲河東都轉運使議者欲分河東爲兩路景憲言本道地肥饒相維州縣貧富亦異正宜有無相通分不便議遂寢改知瀛州上言比歲多不登民債逋欠今方小稔而官督使併償道路流言其禍乃甚於凶歲願以寬假帝從之仍下其事元豐初年知河陽

時方討西南蠻景憲入辭因言小醜跳梁殆邊吏擾之耳且其巢穴險阻若動兵遠征萬一饒餉不繼則我師坐困矣帝曰卿言是也然朝廷有不得已者明年徙同州以大中大夫卒年七十七景憲在仁宗朝爲部使者時吏治尚寬獨多深刺及熙寧以來吏治峻急景憲反濟以寬方新法之行不効一人居官不畏疆禦非公事不及執政之門自負所守於人少許可母卒一夕鬚髮盡白世以此稱之

傅求

按宋史本傳求字命之考城人進士甲科通判泗州淮水溢毀城朝廷遣中使護築絕准取土道遠度用兵六十萬求相汴堤旁有高埠夷之得土載以同舟省工費始平徙大名府府守呂夷簡委以事夷簡入相薦其才擢知宿州提點江西益州刑獄爲梓州路轉運使夷簡寇合江鈐轄司會兵掩擊求馳往按所以狀乃縣吏冒取播州田獵故恐而叛即戮吏置嶺南夷人聞之散去益州文彥博上其狀進秩徙陝西關中行當十鐵錢盜鑄不可計求請變法時州縣已散二百八十萬緡墾下令更爲當三民出不意蕩產失業多自經死然盜鑄遂止自康定用兵移稅輪邊民力大困求令輸本州而轉錢以供邊羅民受其惠而兵食亦足名爲戶部副使隴右蕃會蘭隄獻古渭州地秦州范祥納之請繕城屯兵又括熟戶田諸羌新之相率叛夏人欲得渭地又移文來索後帥張昇以祥貪利生事請棄之詔求往視求以爲城已訖役且已得而棄非所以強國威乃詔諭衆反其田報夏人以渭非其有不應索正其封疆而還兵遂解進

天章閣待制陝西都轉運使加龍圖閣直學士知慶州環之定邊若蕃官蘇思以小過疑權而遣將佐議致討涇原既出師境上求需恩非素攜二者乘以兵必起邊患但遣將將從十數卒扣其帳開以禍福思感泣還若如初入判太常寺權發遣開封府還樞密直學士知定州復以龍圖閣學士權開封求本有吏能幹局至是春秋寢高且病牘三司大將錢古密殺妹爲卿所告求不能決反坐告者又斷獄數差失御史言其不勝任出知兗州卒年七十一

任顗

按宋史本傳顗字誠之青州壽光人舉進士得同學究出身至衛尉丞上其文乃賜第權監鐵判官陝西轉運使大銅錢顗曰僅五萬一以一當十恐犯者衆卒如其言夏人納款遣使要兩十一事甚者欲去臣釋男顗押伴一切賧以養辭折而去又再遣使來欲自賈賣且通青鹽增歲賜許置權場其議多顗所發出爲京西轉運使奏計京師元昊爲下所殺遺楊守素來告哀守素乃始爲元昊謀不稱臣納賜師者也仁宗詔嘗屈其使者復使押伴顗固守素其主所以死不能對說去不敢肆改知鳳翔府帝語輔臣顗宜備朝廷委任畱判三司憑由司爲諒詐冊體使采撫西夏風物山川道里出入攻取之要爲治戎精要三篇上之進直史館遷河東轉運使帝嘗以禁帑金帛賜河北亦欲與河東韻辭曰受委制財用而先有求不敢顯爲使者每行部必擇僚佐之賢者一人與俱凡事必與議未嘗以胥吏自隨人安其政入爲鹽鐵副使擢天章閣待制儼賊犯嶺外以知潭州宣撫

可以宜殺卒有功檢補軍校顯察其色動曰必有異志執按之具服為賊內應冤其家得所記潭事甚悉梟首以徇詔書褒激賜白金五百兩進龍圖閣直學士知渭州坐在潭日賤市死商殊降為待制時四路以邊警開渭獨無所上朝廷疑斥使不密願力言無他虞帝使視之信乃還學士徙徐州以太子賓客致仕積官戶部侍郎卒年七十八

王舉元

按宋史王化基傳化基子舉元字懿臣以上文章賜進士出身知潮州江水敗隄盜乘間竊發舉元夜召里豪計事盜既獲乃治隄為河陰發運判官或言大河決將犯京師舉元適入對具論地形證其妄已而果然歷郡牧戶部判官京東轉運使沙門島多流人守吏顧貨索陰殺之舉元請立監以較賞罰自是全活者衆徙淮南河東夏人來爭屈野地舉元從數騎度河設幕與之議示以赤心夏人咸服治平中又徙成都卽井鹽歲入二百五十萬為丹後卓簡所侵積不售下令止之鹽歷於舊召提舉在京修造英宗勞之曰官廬舍害於水僅有存者卿究心公家毋憚其勞俄進鹽鐵副使拜天章閣待制知滄州改河北都轉運使知永興軍度人夏人屯境上有窺我意舉元使二神將以千騎扼其要害長安遣從事來會兵涇原戒勿輕舉大將實舜卿銳意請行不聽舉元曰不過三日而去矣至期果去神宗以細札詔攻守策舉元請省官減戍益備去兵勿營乎障輿論不合遂引疾求解徙陳州未行而卒官至給事中年六十二子詔

陳安石

按宋史陳貫傳貫字安石字子堅以陰鎮廳及第嘉祐中為慶陝轉運判官民畜蠱毒殺人捕誅其魁并得良藥圖由是遇毒者得不死提點陝西刑獄攝帥鄜延能用謀者敵動靜輒先聞嘗救邊民戒嚴既而數萬騎奄至無所獲而去璽書嘉之歷使京西河東淮南京東知蘇州邠州河中府戶部副使韓絳鎮太原議行鹽法與監司多不合加安石集賢殿修撰為河東都轉運使議始定謂其條曰典事富有漸急則擾乃出鹽付民而俾之券使隨所得貿易鬻畢而歸券私販為減進天章閣待制官軍西征時遣縣令佐督餉安石謂文吏畏怯武人邀功乃但取敢行者申約束以防衆潰日事不豫警候其犯而誅之是間民也王中正帥東師而西報安石持四十日糧而師駐白草平彌月安石深念曰吾頓兵益久而秦甲未至倘不足於食將以乏軍典罪我即擅發民再餉乃以聞李舜舉劾其專詔置獄於路安石自麟州會逮俄而他路餽糧多不繼神宗察其無罪赦之尚書省初建召為戶部侍郎常與右曹李定同奏事帝目雷之曰卿豈非在淮南日不肯保李定持服者乎對曰詔問臣臣不敢不以實奏帝曰以實事君朕所與也進吏部侍郎遷人將改京官須次久臨當引對率困於刑寺審問或沮以徵文則一跌不復安石請罷再問以絕其弊遂為後法出知永興軍鄧襄陳鄭州河陽至龍圖閣直學士紹聖元年卒年八十一

唐義問

按宋史唐介傳介字義問字士宣善文辭鎮廳試禮

部用舉者召試祕閣父介引嫌罷之熙寧中辟京西轉運司管勾文字神宗覽本道章奏知義問所為以其名訪輔臣因黃好謙領使事論之曰唐義問風力疆敏行且用矣可面詔之尋以為司農管當公事方行手實法所在騷然義問言今造簿甫二歲民不堪命不宜復改為從會孝寬使河東還奏事記利害綱目於笏帝取而熟視之歷舉以問應析如流帝喜曰欲見卿非今日也擢湖南轉運判官一路敷免役錢又分戶五等儲其羨為別賦號家力錢義問奏除之移使京西文彥博守西都義問求罷去彥博告以再入相時嘗薦其父晚同為執政相得甚驩故義問乃止時陝西大舉兵多亡卒所至成聚義問請令詣官自陳給券續食人以為便會有不悅之者免歸元祐中起知齊州提點京東刑獄河北轉運副使屬邑尉因捕盜誤遺火盜逸去民家被焚訟尉故縱火郡守執尉抑使服義問辨出之方旱而雨用彥博薦加集賢修撰陞荆南諸廢果陽諸岩蠻楊晟秀斷之以叛即拜湖北轉運使討降之復若為州進直龍圖閣以集賢殿修撰知廣州章惇秉政治棄果陽罪貶舒州團練副使後七年復故官知穎昌府卒

欽定古今圖書集成明倫彙編官常典

第五百九十五卷目錄

漕使部名臣列傳二

宋二

蔣之奇

苗時中

王宗望

毛漸

任諒

李迨

元

張璠

明

羅汝敬

張璋

楊宏

傅希摯

王廷瞻

官常典第五百九十五卷

漕使部名臣列傳二

宋二

蔣之奇

苗時中

王宗望

毛漸

任諒

李迨

元

張璠

明

羅汝敬

羅拯

李之純

鮮于仇

顧臨

趙開

趙子植

羅璧

李昂

徐鑑

劉璽

王宗沐

謝杰



其去庫繕八十餘萬邊粟皆支二年移淮南擢江淮
荆浙發運副使元豐六年漕粟至京比常歲益六百
二十萬石錫服三品請鑿龜山左射至洪澤爲新河
以避淮險自是無覆溺之患詔增二秩加直龍圖閣
升發運使凡六年其所經度皆爲一司故事

羅拯

按宋史本傳拯字道濟祥符人第進士歷官知榮州
州介兩江間每江漲輒犯城郭拯作東西二隄除其
患還知秀州爲江西轉運判官提點福建刑獄泉州
興化軍水壞廬舍拯請勿征海運竹木經一年民居
皆復其舊還轉運使邵武之光澤不權酒以課賦民
號黃鞠錢拯均之他三邑人以爲便改江淮發運副
使江淮故無積倉漕船繫岸下俟糴入乃得行蓋官
吏以淮南不受陳粟爲巡謹計拯始請凡米至而不
可上供者以廩軍又貯浙西米於潤倉以時運自是
漕增而費省轉爲使拯使閩時泉商黃謹往高麗館
之禮賓省其王云自天聖後職貢絕欲令使與謹俱
來至是拯以聞神宗許之遂遣金梯入貢高麗復還
中國自茲始加天章閣待制居職七年徙知宋興軍
青頤泰三州卒年六十五拯性和柔不與人校曲直
爲發運使時與副使公弼不協公弼徙他道御史劾
其貨官錢拯力爲辨理錢公弼爲諫官嘗論拯短而
公輔姻黨多在拯部內往往薦進之或議以德報怨
拯曰同僚不協所見異也諫官所言職也又何怨乎
時論服其長者

苗時中

按宋史本傳時中字子居其先自壺關徙宿州以蔭

主軍陵簿邑有古河入陳請開導以溉田爲利甚博
人謂之苗公河詞訟州司法參軍郡守欲入一囚於
死執不可守怒責其峻時中曰軍雖田里法不可奪
守悟而聽之熙寧中以司農丞使梓州路密屬能吏
十人後皆進用人卒莫之知交人犯邊擢廣西轉運
副使師討交人罪次富良江久不進時中曰師無進
討意賊必從間道來乘我不備冀萬一之勝勢窮然
後降耳密備之既而果從上流來戰敗始納款徙梓
州轉運副使韓存寶討蠻乞弟返還不行時中曰師
老矣將士暴露非計之善者存寶不聽卒坐誅族廣
代存寶乞弟既降復逃去將士相視失色及暮刁斗
不鳴時中問廣廣曰既失賊故縱兵追之不暇恤爾
時中曰天子以十萬衆相付豈以一死爲勇耶今入
異境變且不測廣悟亟止追者整軍以進會得詔班
師軍行時中以糧道遠創爲攢運法食以不乏還兩
階爲發運副使河東轉運使加直龍圖閣知桂州進
寶文閣待制至戶部侍郎卒

李之純

按宋史本傳之純字端伯涇州無棣人登進士第熙
寧中爲度支判官江西轉運副使御史周尹劾廣西
提點刑獄許彥先受區吏金命之純往究其端乃起
於出婢之口之純以爲無俚之言不治彥先得免徙
成都路轉運使成都歲發官米六千石損直與民言
者謂惠民損上詔下其議之純曰蜀郡人恃此爲生
百年奈何一旦奪之事遂已秋滿復甬凡數歲始還
朝神宗勞之曰還方不款數易大吏使劔外安靖年
穀屢豐以彰朝廷綏遠之意汝知之乎以爲右司郎

中轉太僕卿元祐初加直龍圖閣知滄州召爲戶部侍郎未至改集賢殿修撰河北都轉運使進寶文閣待制知瀛州俄以直學士知成都府還爲戶部三遷御史中丞卒年七十五

王宗望

按宋史本傳宗望字礪叟光州固始人以蔭累擢夔州路轉運副使哲宗卽位行赦賞軍萬州獨句不給庖卒朱明因衆怒白晝入府宅傷守臣左右驚散他兵籍籍謀亂宗望聞變自疾驅至先命給賞然後斬明以徇且窺視守傷而不救者乃自劾朝廷嘉之歷倉部郎中司農少卿江淮發運使楚州沿海至澠州風濤險舟多溺議者謂開支氏渠引水入運河歲久不決宗望始成之爲公私利代吳安持爲都水使者自大河有東北流之異紛爭十年水官無所適從宗望謂回河有創立金隄七十里索緡錢百萬詔從之右正言張商英論其誕謾而宗望奏已有成績遂增秩三等加直龍圖閣河北都轉運使擢工部侍郎以集賢殿修撰知鄆州卒年七十七元符中治其導河東流事以爲附會元祐追所得恩典云

鮮于侁

按宋史本傳侁字子駿蘭州人唐劍南節度使叔明裔孫也性莊重力學舉進士爲江陵右司理參軍慶曆中天下旱詔求直言侁推災變所由與又條當世之失有四其語剴切唐介與同鄉里稱其名於上官交章論薦侁盛言左參軍李景陽枝江令高汝士之美乞移與之介益以爲賢調黔令攝治婺源姦民汪氏富而狠橫里中因事抵法羣吏羅拜曰汪族敗前

今不少今不舍後當貽患侁怒立杖之惡類屏跡通判綿州綿處蜀左吏狃貪成風至課卒伍供薪炭芻豆醬果蔬多取贏直侁一切弗取郡守以下效之趙抃使蜀薦於朝未及用從何鄉辟簽書求與軍判官萬年合不任職繫囚累百府使往治數日空其獄神宗詔求直言侁爲蔡河撥發應詔陳十六事神宗愛其文詔近臣舉所知范鎮以侁應選除利州路轉運判官初王安石居金陵有重名士大夫期以爲相侁惡其沽激要君語人曰是人若用必壞亂天下至是乃上書論時政曰可爲憂患者一可爲太息者二其他逆治體而召民怨者不可舉舉其意專指王安石石怒毀短之神宗曰侁有文學可用安石曰陛下何以知之神宗曰有章奏在安石乃不敢言初助役法行詔諸路各定所役緡錢利州轉運使李瑜定四十萬侁爭之曰利州民貧地瘠半此可矣瑜不從各以其事聞時諸路役書皆未就神宗是侁議論司農會布使頌以爲式因黜瑜而升侁副使仍兼提舉常平部民不請青苗錢安石遣吏廉按且詰侁不散之故侁曰青苗之法願取則與民自不願豈能彊之哉左藏庫使周永懿守利州貪虐不法前使者畏其兇其敢問侁捕械於獄流之衡湘因請更以文臣爲守併易班行領縣事凡居部九年治所去閭中近姻戚旁午待之無所私各得其歡心蘇軾稱侁上不害法中不廢親下不傷民以爲三難二稅輸絹綿侁奏聽民以畸零納直其役有李元輔者輒變而多取之父老流涕曰老運使之法何可改蓋侁之姪師中亦居是職故稱老以別之徙京東西路河決澶淵議欲勿塞

侁言東州匯澤惟兩溪夏秋雨淫猶溢而害若縱大河注其中民爲魚矣作議河書上之神宗嘉納後兩路合爲一以侁爲轉運使時王安石呂惠卿當路正人多不容侁曰吾有薦舉之權而所列非賢耶也故凡所薦如劉摯李常蘇軾蘇轍劉攽范祖禹皆守道背時之士元豐二年召對命知揚州神宗曰廣陵重鎮久不得人今朕自選卿往宜善治之蘇軾自湖州赴獄親朋皆絕交道楊侁往見臺吏不許通或曰公與軾相知久其所往來書文宜焚之勿留不然且獲罪侁曰欺君負友吾不忍爲以忠義分譴則所願也爲舉吏所累罷主管西京御史臺哲宗立念東國困於役吳居厚培斂虐害竄之復以侁使京東司馬光言於朝曰以侁之賢不宜使居外願齊魯之區獨敵已甚須侁往救之安得如侁百輩布列天下乎士民聞其重臨如見慈父母名爲太常少卿侍從議神宗廟配享有欲用王安石吳充者侁曰先朝宰相之賢誰出富弼右乃用弼拜左諫議大夫侁見哲宗幼冲首言君子小人消長之理甚備又言制舉誠取士之要國朝尤爲得人王安石用事諱人詆訾新政遂廢其科今方搜羅俊賢廓通言路宜復六科之舊又乞罷大理獄許兩省諫官相往來減特奏言舉人嚴出官之法京東鹽得通商復三路義勇以寬保甲罷戎濫保甲以寬民力事多施行在職三月以疾求去除集賢殿修撰知陳州詔滿歲進待制居無何卒年六十九侁刻意經術著詩傳易斷爲范鎮孫甫推許孫復輿論春秋謂今學者不能如之作詩平澹淵粹尤長於楚辭蘇軾讀九誦謂近屈原宋玉自以爲不可

及也

毛漸

按宋史本傳漸字正仲衢州江山人第進士知寧鄉縣熙寧經理五溪漸條利害以上察訪使使者談以區畫遂建新化安化二縣漸用是得著作佐郎知安化縣召爲司農丞提舉京西南路常平元祐初知高郵軍遷廣東轉運判官渠陽蠻擾邊近臣言漸習知蠻事遷荆湖北路轉運判官時朝廷議棄地漸曰蠻獯服不常非稍威以兵未易懷德今一犯邊即棄地非計也不報渠陽既棄蠻復大入抄略覆官軍荆土爲大擾漸歷提點江西刑獄江東兩浙轉運副使浙部水溢詔賜緡錢二百萬以賑之漸言數州被害即捐二百萬儻仍歲如之將何以繼乃案錢氏有國時故事起長安堰至鹽官徹清水浦入於海開無錫運磬河武進廟堂港常熟疏涇梅里入大江又開崑山七耳黃涇下張諸浦東北道吳江開大盈顧匯柘湖下金山小官浦以入海自是水不爲患加集賢校理入爲吏部右司郎中以祕閣校理爲陝西轉運使攝渭秦熙三州未幾復攝帥涇原日夜治兵乘夏人犯邊遣將擒其虛遂破沒烟砦進直龍圖閣知渭州命下卒年五十九優贈龍圖閣待制

顧鼎

按宋史本傳臨字子敦會稽人通經學長於訓詁皇祐中舉說書科爲國子監直講遷館閣校勘同知禮院熙寧初神宗以臨喜論兵詔編武經要略初命都副承旨提舉神宗謂臨館職改提舉曰館幹且召臨問兵對曰兵以仁義爲本動靜之機安危所繫不可

輕也因條十事以獻出權湖南轉運判官提舉常平議事戾執政意罷歸改同判武學進集賢校理開封府推官請知穎州入爲吏部郎中祕書少監以直龍圖閣爲河東轉運使元祐二年擢給事中朝廷方事回河拜臨天章閣待制河北都轉運使於是翰林學士蘇軾與李常王古鄧溫伯孫覺胡宗愈言臨資性方正學有根本慷慨中立無所回撓自處東省封駁論議凜然有古人之風僥倖之流側目畏憚忽去朝廷衆所嗟惜宜留寘左右以補闕遺別選深知河事者往使河北諫議大夫梁燾亦言都漕之職在外豈無其人在朝求如臨者恐不易得皆不報臨至部請因河勢回使東流復以給事中召還歷刑兵吏三部侍郎兼侍讀爲翰林學士紹聖初以龍圖閣學士知定州徙應天河南府中人梁惟簡坐嘗事宣仁太后得罪過洛轉運使郭茂恂拘時宰意劾臨與之宴集奪職知欽州又以附會黨人斥饒州居位卒年七十二徵宗立追復之

任諒

按宋史本傳諒字子諒眉山人徙汝陽九歲而孤舅欲奪母志諒挽衣泣曰豈有爲人子不能養其親者乎母爲感動而止諒力學自奮年十四卽冠鄉書登高第調河南戶曹以兵書謁樞密會布使人邀詣闕既見覺不能合徑去布爲相猶欲用之諒予書規以李德裕事布始怒將之奇章奏在樞府薦爲編修官布持其奏不下爲懷州教授徵宗見其所作新學碑曰文士也擢提舉慶路學事歷京西河北北京東改轉運判官著河北根本籍凡戶口之升降官吏之增

損與一歲出納奇贏之數抵牾可見上之朝張商英見其書謂爲天下部使者之最提點京東刑獄梁山漢漁者習爲盜蕩無名籍詔伍其家刻其舟非是不得輒入他縣地錯其間者鑑石爲表盜發則督吏名捕其取不盡力跡無所容加直祿閣徙陝西轉運副使降人李訛陵知邊摩不繼陰關地客粟而叛遣西夏統軍書稱定邊可唾手取諒諒知其謀亟輸粟定邊及諸城堡日募人彼所警得數十萬石訛陵果入寇失藏粟七日而退他日復聞觀化堡而邊儲已足訛陵遂解去加祿飲閣待制江淮發運使蔡京破東南轉般漕運法爲直達綱舉者車游手亡賴盜用乾沒漫不可核人其敢言詎人對首論之京怒會汴泗大水泗州城不沒者兩板諒親部卒築隄徙民就高賑以米粟水退人獲全京誣以爲漂溺于計坐削籍歸田里執政或言不災守臣職發運使何罪帝亦知其枉復右文殿修撰陝西都轉運使尋復徵飲閣待制進直學士童貫更錢法必欲鐵錢與銅錢等物價率十減其九詔諒與貫議諒言爲六路害寢其策加龍圖閣直學士知京兆府徙渭州以母憂去宣和七年提舉上清宮錄官修國史初朝廷將有事於燕諒曰中國其有憂乎乃作書貽宰相曰今契丹之勢其亡昭然取之當以漸師出不可無名官別立耶律氏之宗使散爲君長則我有存亡繼絕之義彼有瓜分輻裂之禍與耶嚙起之金國勢相萬也至是又言郭藥師必反帝不聽大臣以爲病狂出提舉嵩山崇福宮是冬金人舉兵犯燕山藥師叛降皆如諒言迺復起諒爲京兆未幾卒年五十八

趙開

按宋史本傳開字應祥普州安居人登元符三年進士第大觀二年權辟應正用舉者改秩即盡室如京師買田尉氏與四方賢俊遊因詞知天下利病所當罷行者如是七年慨然有通變拯弊志宣和初除禮制局校正檢閱官數月局罷出知鄆陵縣七年除講議司檢詳官開善心計自檢詳罷除成都路轉運判官遂奏罷宣和六年所增上供認額綱布十萬疋減縣州下戶支移利州水脚錢十分之三又減蒲江六井元符至宣和所增鹽額列其次第謂之鼠尾帳揭示鄉戶歲時所當輪折料等實數俾人人俱曉鄉胥不得隱匿實寄嘗言財利之源當出於一祖宗朝天下財計盡歸三司諸道利源各歸漕計故官省事理併廢以還漕司則利害可以參究而無牽掣窒礙之患矣因指陳權茶買馬五害大略謂黎州買馬嘉祐歲額纔二千一百餘自置司權茶歲額四千且獲馬兵踰千人猶不足用多費衣糧爲一害嘉祐以銀絹博馬價皆有定令長吏旁緣爲姦不時歸貨以空券給夷人使待資夷人怨恨必生邊患爲一害初置司權茶借本錢於轉運司五十一萬緡於常平司二十餘萬緡自熙寧至今幾六十年舊所借不償一文而歲借乃進初數爲二害權茶之初預俵茶戶本錢尋於數外更增和買或逐押預俵錢充和買茶戶坐是破產而官買歲增茶日置難官茶既不堪食則私販公行刑不能禁爲四害承平時蜀茶之入奉者十幾八九猶患積壓難售今關隴悉遭災蕩仍拘舊額竟何所用茶兵官吏坐糜衣糧未免科配州縣爲五

害請依嘉祐故事盡罷權茶仍令轉運司買馬卽五害並去而邊患不生如謂權茶未可遽罷亦宜併歸轉運司痛減額以蘇茶戶輕立價以惠茶商如此則私販必衰盜賊消弭本錢既常在而息錢自足朝廷是其言卽擢開都大提舉川陝茶馬事使推行之時建炎二年也於是大更茶馬之法官買官賣茶並罷參酌政和二年東京都茶務所勅條約卽給茶引使茶商執引與茶戶自相貿易改成都舊買賣茶場爲合同場官引所仍於合同場置茶市交易者必由市引與茶必相隨茶戶十或十五共爲一保并籍定茶鋪姓名互察影帶販鬻者凡買茶引每一斤春爲錢七十夏五十舊所輸市例頭子錢並依舊茶所過每一斤征一錢住征一錢半其合同場監官除驗引秤茶封記發放外無得干預茶商茶戶交易事舊制買馬及三千匹者轉一官此但以所買數推賞往往有一任轉數官者開奏請推賞必以馬到京實收數爲格或死於道黜降有差比及四年冬茶引收息至一百七十餘萬緡買馬及踰二萬匹張浚以知樞密院宣撫川蜀素知開善理財卽承制以開兼宣撫處置使司隨軍轉運使專一總領四川財賦開見浚曰蜀之民力盡矣錙銖不可加獨權貨稍存贏餘而食猶認爲已有互相隱匿惟不恤怨讟斷而敢行庶可救一時之急浚銳意興復委任不疑於是大變舊法自成都始先罷公使買供給酒卽舊撲買坊場所置隔槽設官主之麴與醱具官悉自買聽釀戶各以米赴官場自釀凡一石米輸三千并頭子雜用等二十二其釀之多寡惟錢是視不限數也明年遂徧四路行

其法又法成都府法於秦州置錢引務興州鼓鑄銅錢官買銀絹聽民以錢引或銅錢買之凡民錢當入官者並聽用引折納官支出亦如之民私用引爲市於一千并五百上許從便增高其直惟不得減制法旣流通民以爲便初錢引兩科通行纔二百五十萬有奇至是添印至四千一百九十餘萬人亦不厭其多價亦不削官司復僞引三十萬盜五十人沒欲從有司議當以死開白浚曰相君誤矣使引僞加宣撫使印其上卽爲真黜其徒使治幣是相君一日獲三十萬之錢而起五十人之死也浚稱善悉如開言最後又變鹽法其法實視大觀東南東北鹽鈔條約置合同場鹽市與茶法大抵相類鹽引每一斤納錢二十五土產稅及增添等共納五錢四分所過每斤征錢七分住征一錢五分若以錢引折納別輸稱提勘合錢共六十初變權法怨言四起至是開復議更鹽法言者遂奏其不便乞罷之以安遠民且曰如謂大臣建設務全事體必須更制卽乞剗與張浚照會詔以其章示浚浚不爲變時浚荷重寄治兵秦川經營兩河旬月賞期得士死力費用不貲盡取辦於開開悉知慮於食貨算無遺策雖支費不可計而贏資若有餘吳玠爲四川宣撫副使專治戰守於財計盈虛未嘗問惟一切以軍期趨辦與開異趣玠數以餉價不繼訴於朝開亦自劾老憊丐去朝廷未許乃特置四川安撫制置大使之名命席益爲之益前執政詔位宣撫司上朝論恐未安仍詔張浚視師荆襄川陝六年罷宣撫司玠仍以宣撫治兵事軍馬聽玠移撥錢物則委開拘收尋除開徵賦開待制加玠兩鎮

節鉞復降旨都轉運使不當與四路漕臣同繫銜成都潼川南路漕臣與都轉運使坐應副軍支錢物愆期各貶二秩朝廷故抑揚之使之交解間隙趣辦餉饋也而開復與席益不和抗疏乞將舊米宜撫司年計應副軍期不許他司分擘支用又指陳宣撫司截都漕運司錢就果閭糴米非是又言應副吳玠軍須紹興四年總爲錢一千九百五十五萬七千餘緡五年視四年又增四百二十萬五千餘緡蜀今公私俱困四向無所取給事屬危急實甚可憂乞許以茶馬司奏計詣闕下盡所欲言朝廷既知開與玠及席益有隙乃詔開赴行在以李迨代之會疾作不行提舉江州太平觀七年復右文殿修撰都大主管川陝茶馬開已病累疏丐去詔從所乞提舉太平觀十一年卒

李迨

按宋史本傳迨東平人也曾祖參仕至尚書右丞迨未冠入太學因居開封以廢補官初調渤海縣尉時州縣團結民兵民起田畝中不開坐作進退之節或諱不受令迨立賞罰以整齊之累月皆精練部伍如法部刺史按閱無一人亂行伍者遂薦之朝改合入官累遷通判濟州時高宗以大元帥過濟郡守自以才不及迨迨行州事迨應辦軍須無闕會大元帥府勸進乘輿儀物皆未備迨詣熟典故裁定其制不日而辦上深歎賞即除隨軍輦運上即位於南京授山東輦運改金部郎從駕至維揚敵犯行在所即取金部籍有關於國家經賦之大者載以行及上於鎮江時建炎三年二月也宰相呂頤浩言於上即日召見

未幾丁父喪詔起復以中散大夫直龍圖閣爲御營使司參議官兼措置軍前財用苗傅劉正彥叛呂頤浩張浚策勦王之師迨流涕謂諸將曰君等行無慮軍食師行所至食皆先具事平同趙哲等入對上慰勞之詔轉三官辭不拜除權戶部侍郎四年加顯謨閣待制爲淮南江浙荆湖等路制置發運使尋以軍旅甫定乞持餘服詔許之紹興二年知筠州明年移信州尋提舉江州太平觀五年十月以舊職除兩浙路轉運使言祖宗都大梁歲漕東南六百餘萬斛而六路之民無飛挽之擾蓋所運者官舟所役者兵卒故也今駐蹕浙右漕運地里不若中都之遠而公私苦之何也以所用之舟大半取於民間往往鑿井沉船以避其役如溫明度吉州等處所置造船場乞委逐州守臣措置募兵卒牽挽使臣管押庶幾害不及民可以漸復漕運舊制詔工部措置尋加徽猷閣直學士升龍圖閣直學士爲四川都轉運使兼提舉成都等路茶事并提舉陝西等路買馬自熙豐以來始即熙秦戎黎等州置場買馬而川茶通於未興四路故成都府秦州皆有權茶司至是關陝既失迨請合爲一司名都大提舉茶馬司以省冗費從之踰年詔迨以每歲收支之數具旁通驛奏迨乃考其本末具奏曰紹興四年所收錢物三千三百四十二萬餘緡此所支關五十一萬餘緡五年收三千六十萬緡此所支關一千萬餘緡六年未見七年所收三千六百六十萬餘緡此所支關一百六十一萬餘緡自來遇歲計有闕即添支錢以補助紹興四年添印五百七十六萬道五年添印二百萬道六年添印六百萬道

見今汎料太多引價頓落緣此未曾添印兼歲收錢物內有上供進奉等項名一千五百九十九萬係四川歲入舊額其勸諭激賞等項名錢物共二千六十八萬係軍興後來歲入所增比舊額已過倍其取於民可謂重矣臣嘗考劉晏傳是時天下歲入緡錢千二百萬而管權居其半今四川權鹽權酒歲入一千九十一萬過於晏所權多矣諸項名錢已三倍劉晏歲入之數彼以一千二百萬贍中原之軍而有餘今以二千六百萬贍川陝一軍而不足又如折估及正色米一項通計二百六十五萬石止以紹興六年朝廷取會官兵數計六萬八千四百四十九人決無一年用二百六十五萬石米之理數內官員一萬一千七百員軍兵五萬七百四十九人官員之數比軍兵之數約計六分之一軍兵請給錢比官員請給不及十分之一即是冗濫在官員不在軍兵也計司雖知冗濫力不能裁節之雖是寬剩亦未敢除減此朝廷不可不知也蜀人所苦甚者糴買般運也蓋糴買不科數則不能集其事苟科數則不能無擾般運事稍緩則船戶獨受其弊急則稅戶皆被其害欲有漕運莫如屯田漢中之地約收二十五萬餘石若將一半充不係水運去處歲計以米一半對減川路糴買般發歲計米亦可少寬民力兼臣已委官於興元洋州就糴夏麥五十萬石峽州欲就糴二十萬石兼用管田所收一半之數十二萬石三項共計五十七萬石每年水運應付閬州以東計米五十八萬石若得此三項可盡數免川路糴買般運此乃恤民之實惠守邊之良策也降詔獎諭以與吳玠不合與祠九

年金人歸我三京命迨為京畿都轉運使孟庚時為權東京留守潘通北使迨察其隱微庚不能平訟於朝且使人告迨曰北人以兵至矣迨曰我來食國家祿二百年荷陛下重任萬死不足報吾老矣豈能下穹廡之拜乎首可斷而膝不可屈也如果然吾將極罵以死告者悚然而去降聖節庚失於行禮為迨所持庚自劾迨因此求罷去乃落職與祠師而庚以京師降於金人迨尋復龍圖閣符制知世州十六年以疾丐祠十八年卒

趙子道

按宋史宗室傳子道字正之燕王五世孫父今錄官至寶文閣待制子道以廕補承務郎累遷少府監主簿改河南少尹時治西內子道有幹才漕使朱昇器之或事有未便子道輒力爭昇每改容謝之除蔡河撥發綱運官會夏旱河水涸轉餉後期貶秩一級提舉三門白波輩運事除直龍閣丁內艱起復累進龍圖閣閣閣修撰除陝西轉運副使初蔡京鑄夾錫錢民病壅滯子道請鑄小鐵錢以權之因範格以進徽宗大說御書宣和通寶四字為錢文既成子道奏令民以舊銅錢入官易新鐵錢旬日易得百餘萬緡帝手札以新錢百萬緡付五路均羅細麥令子道領其事民苦限迫詣子道訴者日數百人子道奏請寬其期民便之會蔡京再相言者希京意論子道亂錢法落職奉祠靖康初復祿閣修撰金人侵洛子道奔荆南濱兵祝靖盛德破荆南城子道匿民家靖等知之來謁言京城已破子道泣說之曰君輩宜速還都城護社稷取功名無貪財擾州縣也皆應曰諾子道因

張礎

按元史本傳礎字可用其先渤海人金末曾祖琛徙燕之通州祖伯達從忽都忽那顏略地燕薊金守其蒲察斤以城降忽都忽那承制以伯達為通州節度判官遂知通州父範為真定勸農官因家焉礎業儒丙辰歲平章廉希憲薦於世祖潛邸時真定為諸王阿里不哥分地阿里不哥以礎不附己街之遣使言於世祖曰張礎我分地中人當以歸我世祖命使者復曰兄弟至親寧有彼此之間且我方有事於宋如礎者實所倚任待天下平定當遣還也已未從世祖伐宋凡徵發軍旅文檄悉出其手中統元年立中書省以礎權左右司事尋出為彰德路拘權官復入為三部員外郎賜金符為平陽路同知轉運使改知獻州同知東平府事又改知威州有婦人乘驢過市者投下官暗赤之奴引鳴鑼射婦人墜地奴匿暗赤家礎將以其事聞暗赤懼乃出其奴論如法至元十四年立諸道提刑按察司以礎為江南浙西道提刑按察副使佩金符宣慰使失里貪暴掠良民為奴礎劾黜之遂安縣民聚眾負險為亂命礎與同知浙西道宣

羅璧

按元史本傳璧字仲玉鎮江人父大義為宋將璧年十三而孤長從朱禪孫入蜀累官武翼大夫利州西路馬步軍副總管禪孫移荆湖璧從之至江陵右丞阿里海牙領軍江陵璧從禪孫降授宣武將軍管軍千戶隸丞相阿木庵下招收進軍討欽寇有功領本州安撫事至元五年從元帥張弘範定廣南賜金符陞明威將軍管軍總管鎮金山居四年海盜屏絕徙鎮上海督造海舟六十艘兩月而畢至元十二年始運江南糧而河運弗便十九年用丞相伯顏言初通海道漕運抵直沽以達京城立運糧萬戶三而以璧與朱清張瑄為之乃首部漕舟由海洋抵楊村不數十日入京師賜金虎符進懷遠大將軍管軍萬戶兼管海道運糧二十四年乃顏叛璧復以漕舟至遼陽浮海抵錦州小凌河至廣寧十寨諸軍賴以濟加昭勇大將軍二十五年督漕至直沽倉潞河決水溢幾及倉壁樹柵率所部番士築隄捍之陞昭毅大將軍同知淮西道宣慰司事請兩淮荒閑之田給貧民耕

聖三年而後量收其入從之歲得粟數十萬斛陞鎮國上將軍海北海南道宣慰使都元帥大德三年除饒州路總管改廣東道宣慰使都元帥山海衛夷不沾王化負固反側乃誘致諸洞蠻夷酋長假以官位曉以禍福由是咸率衆以歸除都水監改正奉大夫通州復多水患鑿二渠以分水勢又浚阜通河而廣之歲增漕六十餘萬石奉命括兩淮屯田得疾歸鎮江而卒年六十六子坤載

明

羅汝敬

按明外史本傳汝敬名簡以字行吉水人永樂二年進士選庶吉士就學文淵閣成祖召使誦書不稱旨即日遣成江南數日復之自此刻厲爲學擢修撰滿九載進侍講仁宗時上言時政十五事忤旨下獄與李時勉同改御史直聲震朝廷宣宗初上書大學士楊士奇曰昔太祖高皇帝不階尺土奄有四海太宗文皇帝又安宗社再造寶區二聖功德如此其盛然猶翼翼兢兢無敢豫忘先皇帝嗣統未及期年奄棄羣臣海內之民若喪考妣揆厥所由僉王小人挾怪迂之術售金石之方以悞聖躬而速之疾也去冬簡以恩慈應詔上書言涉不敬罪當萬死蒙先皇帝憐其孤直寬重寔之誅俾居言路撫躬循省無可稱塞伏見今年六月車駕幸天壽山躬謁二陵京師之人瞻望咨嗟以爲聖天子大孝將以稱殷禮展孝思也既而道路喧傳乃謂禮畢即較獵講武且云先驅未成列路車不待駕而天開六龍已載道矣又云厄從惟也先士干與其徒數百人風馳電掣倏去忽來馳

逐先後某聞此言心悸胆落夫蒐苗獮狩固有國之常經然以謁陵出而與降將較獵於山谷間竊謂垂堂之戒衙檄之虞不可不深慮也執事兩朝舊臣二聖元輔於此不言則孰得而言之者惟特加採納以弘靖獻之思光弼直之義尋擢工部右侍郎往安南撫諭黎利復再往封陳高利言嵩已死張延設女樂汝敬叱曰爾主死乃宴樂耶碎其尊壘樂器會天大雨雷震利居室利懼遣使馳謝於朝汝敬還督兩浙漕運理陝西屯田多所建置坐受餽下獄尋免死充爲事官仍督陝西屯田英宗立遇赦汝敬誤引詔書復職復逮繫以在陝西措置有勞着死戍邊尋還其官洩故任西邊有督督備遇敵紅巾城中流矢墜馬得免以疾告歸卒

李昂

按明外史徐輔傳先輔督漕運者仁和李昂景州張璋昂字文舉景泰中進士歷青州知府聖田五千七百餘頃賑饑民一百二十萬人流亡復業者五萬三千家秩將滿民狀其善政三十四事諸御史乞留已遷福建參政去民思之不置生爲立祠歷山東河南左右布政使成化末以右副都御史巡撫江西境內盜起立營堡練民兵數有斬獲患屬吏政弛概以法痛繩之頗興謗議弘治二年改督漕運踰年罷

張璋

按明外史徐輔傳璋字汝器成化初進士擢御史屢遷陝西左布政使弘治改元遷右副都御史巡撫寧夏中官武將多侵據屯田私役倖卒璋奪田歸軍勒私役者還任部民肅然尋代昂督運生平端謹自守

不求人知獨爲王恕所器重歷官清芳不殖生產致政歸卒

徐鏞

按明外史本傳鏞字用和與國人成化五年趙士授行人樞密史巡通州倉念漕平困措越爲定收納常則奏之著爲例時濬大通河鏞獨疏言不便既而漕舟果不遠巡按福建振肅風紀上疏言所部星變地震歲旱海盜熒變非常而歲貢魚鳥花木大擾民間請賜減免福州建寧二府歲徵礪銀萬三千餘兩民力絀不能辦乞停罷福建倉田一寺或至萬畝而貧民無立錫地請自五百畝以上收其半以業貧民鹽場諸使舊獨不給俸宜如例均給詔旨物如故銀課汰十二餘從其請十九年與同官勅罷兵部侍郎李敏遼東巡撫王宗彝太僕卿楊程少卿霍貴頃之復與同官劾汪直八罪並及其黨王越陳鉞戴縉張頤吳綬等諸人遂得罪明年正月帝以京師地震下詔修省旋復舉成莫鏞以爲非上下交修之義與同官何瑄請罷之帝怒命錦衣衛執訊諸鎮原知縣歲饑言於上官移民就食又禱於神請閉止其身勿爲民營修舍舍得資錢數十萬緡籍之以贖貧乏代流亡輸運課多復業者調繁臨潼父老泣送之弘治初用薦權淮安知府威侵民餒餓修修糧賑法循行鄉邑勸課農桑歲轉豐稔窮民無告者勸富室助其婚葬學校圯葺而大之淮故有廣盈倉歲收糧止四五萬石而設監收內官二人鋪疏乞召還不許歷遷河南左右布政使十二年以右副都御史總督漕運兼巡撫鳳陽四府備守淮時素知漕政之弊於是劾